

## Suurat Al-Calaq

## سُورَةُ الْعَلْقَلُونَ

Magaca Eebe yaan ku billaabaynaa ee naxariis guud iyo mid gaaraba naxariista.

1. Wax ku akhri Nabiyow Magaca Ee-be ee abuuray (khalqiga).
2. Dadkana ka abuuray Calaq\*.
3. Akhri Eebena waa kan Sharaftha le-he.
4. Ee Dadka baray sida Qalinka wax loogu qoro.
5. Dadkana baray waxayna aqoonin.
6. Saas ma aha ee Dadku (Gaaladu) waa gudbeen.
7. Markuu isku ogaaday Hodontinimo.
8. Eebahaa xaggiisaase loo noqon.
9. Ka warrama midka ka reebaya.
10. Addoon (Eebe) oo tukan Sallaadda.
11. Bal ka warrama hadduu ka laga reebi hanuunsanyahay (waa Nabiga).
12. Ama uu fari Eeba ka yaabid.
13. Balse ka warrama hadduu midka wax ka reebi uu beeniyay (xaqa) kana jeedsaday (waa AbuuJahal iyo wixii la mid ahe).
14. Miyusan ogayn in Eebe arko.
15. Saas ma aha ee haddusan joogin waxaanu qaban Foodda.
16. Food beenaleey ah gafna badan.

بِسْمِ اللّٰهِ الرَّحْمٰنِ الرَّحِيْمِ

أَفَرَأَيْتَ رَبَّكَ الَّذِي حَلَقَ

خَلْقَ الْإِنْسَنَ مِنْ عَلَقٍ

أَفَرَأَيْتَ الَّذِي أَكْرَمَ

الَّذِي عَمِلَ عَلَيْهِ الْفَلَقَ

عَلَمَ الْإِنْسَنَ مَا لَمْ يَعْلَمْ

كَلَّا إِنَّ الْإِنْسَنَ لَيَطْغَى

أَنَّ رَبَّهُ أَنْشَقَ

إِنَّ إِلَٰهَ رَبِّكَ الرُّحْمَنُ

أَرَأَيْتَ الَّذِي يَنْهَا

عَبْدًا إِلَادَاصَلَّ

أَرَيْتَ إِنْ كَانَ عَلَى الْمُدْرَكِ

أَوْ أَمَرَ بِالثَّقْوَى

أَرَيْتَ إِنْ كَذَّبَ وَتَوَلَّ

أَوْ يَعْلَمُ أَنَّ اللّٰهَ يَرَى

كَلَّا إِنَّ رَبَّهُ لَنَسْعَى بِالنَّاصِيَةِ

نَاصِيَةً كَذَّبَهُ خَاطِئَةً

17. Ha u yeedho gargaarihiisa.
18. Waxaannu u yeedhi Malaa'ig darane.
19. Saas ma aha ee warkiisa ha maqlin Sujuudha una dhawow (Eebe).

فَلَيَعْلَمَ نَادِيَهُ ۝

سَنَعَ الْزَّانِيَةَ ۝

كَلَّا لَا نَطْعُمُ وَاسْجُدُو وَأَقْبَرُ ۝

Suuraddani waa Suuraddii Quraanka u soo hor dagtagtay, waxayna ka billaabatay faridda wax barashada iyo Qalinka, taasoo ku tusin sida Diinta Islaamku ugu horrayso wax barashada iyo la dagaallanka Jahliga, waxaa kalooy ku tusin xumaanta isla waynida iyo Dadka oo xaqa laga reebo, iyo inaan la maqlin xumaanle warkiis ee Eebe lagu xidhaado illeen isagaa xoog iyo awoodba leh. Abuu-Hurayra waxa laga wariyay in Rasuulkii Eebe «Naxariis iyo nabadgalyo korkiisa Eebe ha yeelee» yidhi: «Addoonku wuxuu Eebihiis ugu dhawayah markuu sujuudsanyahay ee badiya Ducada. Waxaa wariyay Muslim. Al-Calaq (1-19).

\* Wax yar oo ku dhaga darbiga riximka (dib u eegaha).



Magaca Eebe yaan ku billaabaynaa ee naxariis guud iyo mid gaaraba naxariista:

1. Annagaa soo dajinnay Quraanka Habeenka LaylatulQadarka ah (sharafata leh).
2. Ma taqaanna LaylatulQadarka.
3. Waa Habeen ka khayr badan Kun Bilood (oo kale).
4. Waxaana soo daga Malaa'igta (kalle) iyo Malaku Jibril habeenkaas idanka Eebe dartiis iyo amarkiisa.
5. Waana Habeen nabadgalyo inta waagu ka baryi.

بِسْمِ اللَّهِ الرَّحْمَنِ الرَّحِيمِ

إِنَّا أَنْزَلْنَاهُ فِي لَيْلَةِ الْقَدْرِ ۝

وَمَا أَذَرْنَاكَ مَائِلَةً لِّلْقَدْرِ ۝  
لَيْلَةُ الْقَدْرِ خَيْرٌ مِّنْ أَلْفِ شَهْرٍ ۝

تَرَلَّ الْمَلَائِكَهُ وَالرُّوحُ فِيهَا يَا إِذْنَ رَبِّهِمْ  
مِّنْ كُلِّ أَمْرٍ ۝

سَلَّمَهُ حَقَّ مَطْلَعِ النَّجْرِ ۝

Wuxuu Eebe innoogu sheegay Suuraddan inuu Quraanka sharafta leh soo dajiyay Habeenkaa wanaagsan ee ka khayr badan kun bilood, waxaana la sheegay in Habeenkaasi ku jiro Bisha barakaysan ee Soon. Saas daraadded mar hadduu yahay Habeen Sharaf leh Malaa'igtuna soo dagi Habeen nabadgalyana yahay, waa in lagu dadaalaa sidii loo helilahaa wanaaggana la badiyo'xumaantana la yareeyo. Abuhurayra waxaa laga wariyay in Rasuulkii Eebe «Naxariis iyo Nabadgalyo korkiisa Eebe ha yeelee» inuu yidhi: «Ruuixii Istaaga Laylatul-Qadarka «Salaad» Rumayn iyo ajri doonid darteed waa loo Dhaafaa wixii hormay oo dambigiisa ah» Waxaa wariyay Bukhaari iyo Muslim. Al-Qadr (1-5).